



明代方志選

(四)

杭州府志^①

明萬曆七年刊刻

蘇子如書

萬曆杭州府志序

今天下浙為諸省首而杭為浙首郡東南一大都會也其地湖山秀麗而岡阜川原之所襟帶魚鹽杭稻絲綿百貨於是乎出民生自給譚財賦與區者指首屈焉故宋行朝

藩省之地，上文武大之吏分符綰印，惟守與令承而置之，豈不謂繁且重，何必守令即秉輶建節，儼然臨之者，要以導化灑澤效未易親何者，地衝故也，語不有云，趾欲固視，故步往蹟不參後事，安据自予奉

重書撫浙，輒繙舊志，視成務猶然，成化年間籍也，文獻不徵，空言亡補，孔子嘗嘆杞宋今觀杭志，文獻謂何矣，西湖在杭之曩，空耳能文者，志其進覽又志其餘，而

吏茲土者之責且欲以脩憲
齊政酌張弛之中而不易土
俗之宜法其治狀而表其風
教百年之間漫不可考而與
俗相類遵何繩墨哉續往牒
待來者與之更始其在今日
下何諸大夫相與輯成之予

手一帙而讀焉見其凡例品

目剛潤裒益有味乎其志之
也按今思古吾知有合矣今
之郡邑古侯國也古之天子
衆建諸侯以蕃王室卿大夫
士環市而職官張田里分畫
而賦役效別之分野都鄙計

域井疆而形勝山川溝洫
池坊衢臺榭之勢奠命之教
學論其秀者第而升之司馬
賜之弓矢以專征伐而又定
典禮舉神祇則學校選舉兵
防禮制祠廟之儀辨量地居
民別其剛柔輕重遲速以觀

民風與夫五穀果實禽魚金

帛之所弼則戶口風俗土產

之跡詳詩書禮樂之所造而

賢德可上者才可官者百年

可就見者祝史醫卜百工之

執技男女之左右由者咸有

以自見則藝文人物之類具

至其加地進律稱有功德于民則又今之所謂名宦也古者列國莫不有史悉其國之所有將以是非得失之故而為法戒今悉其郡之所有而志之其事則國其文非史而所以載前規垂後觀者其意未嘗異古之官有世史故紹明世緝已事相沿不廢而史之纂也易今蒐摭散佚於兵燹之後百年之外故老遺書僅存什一一旦濯新耳目足稱文獻豈不為尤難哉夫徐公上古則審今日後之吏茲

土者用以端風化興治功在弛法戒若辨黑白而數一之執此以往可以無他求矣是役也代予撫者涇陽李公成安吳公與按臺上黨鮑公潯川王公麟臺益都房公陟縣李公作興文獻共成曠典督學僉事耀州喬君實奉予檄而偕郡守擢溫處兵憲白下吳君與令守濟上劉君先後經營董正購遺書網舊聞以便攷訂而會計工費役取其人之宜金取其帑之羨均有焉所為斐然成章總而

之則鄉之方伯敬亭陳公也
公文學德行聲燁縉紳間而
剛藻其辭事裒益其義例可
名外史諸生趙觀方可立楊
兆坊王廸吉朱履陳植桂張
璠鄭拭孫思旦沈思相童文
卿俞伯臣等與分校效勞始
於萬曆丁丑之夏迄於戊寅
之秋殺青斯竟予喜其民不
知費郡有成書也諸大夫士
請予序諸首遂訢然序之
萬曆七年二月吉旦

賜進士第資善大夫南京工部
尚書前兵刑工三部侍郎

提督軍務巡撫浙江江西等
處地方都察院右副都御史
提督湖廣學校副使監察御
史姑蘇徐枋撰

萬曆重修杭州府志序

舊杭州府志蓋脩自成化門至是陳敬亭公乃續脩焉舊志載藝文甚衆今裁取其關大體者諸所述列亦多簡察而要歸於陶振風俗宣植節義董正徭賦審政令利病能行便宜之故志能若此可以傳矣予亟稱其為濟治之弘略而匡時之嘉模云夫志史也今海內志足稱傳者財數家以作史之難也而越中之志為尤難其大者覈徭賦則錯飾匿以為常甄品人物

則尚家世而略幽微他細眇可弗之論也自予跡前事聞越之徭賦久不平無畫一之規下郡縣郡縣徂故事終靡所遵定而聽宿猾主徵令徭賦日繁重不止民黎告困匱彫傷滋甚上官欲有以切責郡縣顧未嘗著為令何以名辭乃亦遂坐視而無以省憂間者始會計十一郡諸徭賦撰立條類品科令窮徼野夫得操一公牒具知已歲當輸官之數宿猾始無能因緣而仁和之田額損沒百餘年矣

苦之乃盡力叅實覆按吏相
哀益與故額等比人始曠然
脫於浮賦此兩事皆利良民
不利奸民故至今飛語四布
又以為騷動失實將竟不誰
何乃可乎往論定列傳獨視
其子孫曩令持公議有所譏
削其為子若孫即屈彊不服
重怨積怒而甘心焉詆指其
所為書不足信謹譁無已時
此何以示觀聽哉以其故郡
縣志率廢棄不舉在職之吏
無所攷論故實杭志闕百餘
年迄今始裁定綴集成編予

所謂越志之難且大者人人
咨嗟厭厭足垂明信至其體
裁雅正文辭溫粹不詭於作
者之軌則無用予言公之著
述在人耳目習矣諸與志事
者先後名位歲月始末語在
前敘中
萬曆七年夏六月望日
賜進士出身浙江按察司提督
學校僉事闕中喬因阜書

萬曆杭州府志序

今夫墳瑟交鳴笙鏞合鳴
中律度者斯和同之樂也
黃並用緇素同施而五色孔
陽當於物采者斯黼黻之能
也比物連類詮次衆長而言
年古初法宗典訓者斯文史
之業也是故聲弗諧則聽於
瓦缶色弗當則視於敗繒苟
操觚而述帝王秉槩而陳往
迹開局列館才儁充庭而華
實未宣文質交救豈非瓦缶
敗繒之倫乎盖事勝則法清
太葩則離實才美間錯則

色弗倫是以四患易生三長

難倫甄鑒差爽往往提救帚

而詭千金史志之難盖自古

嘆之矣杭為天下名郡浙茲

建治實云會城吳越開鎮南

宋啓都山川形勝物產才賢

視他郡特異宜有文獻以彰

盛美而郡乘弗稱曠且百年

識者病焉前督撫常熟徐公

深憫舊編脫爛圖惟更新乃

謀於學使陝右喬公俾興是

役而先郡守白下吳公今郡

守歷下劉公協心並贊樂觀

厥成詎日戒期責成於僕

公委幣縣吏具食仍選
之秀者與共校讐開局於褒
忠祠諸共事者凡十二人始
竟其役者僅五人綜括舊文
証以傳述芟繁薙穢故實罔
遺則諸生之力為多若

國朝名宦人物及全編中諸多

乾州府志

卷八

藝文志

論敘此為僕所竊取者不敢
妄也又以郡之大事不可無
紀爰自三代迄元洎

國初迄今諸可備覽鏡者各彙
為三卷編年則準諸春秋分
二則倣於綱目義關勸戒傳
信疑始事於萬曆丁丑

乾州府志

卷八

藝文志

卷八

月成於萬曆戊寅十二月
日凡三十七為卷凡百為書
凡二十八帙百函日就捷匪
移之千金購奇精媿呂覽撰
者叩此智囊觀者覆彼譬說
此自其常耳抑又何怪耶竊
聞之吹竽而過邯鄲之市則

師曠凜色盛飾而出臨淄之
途則陽文沮顏何者邯鄲耳
肆臨淄目林即姝色和聲不
勝衆視羣聽也今輯志於杭
人之艷名都誇鉅麗者爭聽
覽焉是亦邯鄲之等竽臨淄
之姝色也為若觀聽者不

難乎且夫述近體則

盡敘俚俗則詞謝雅馴

鑒則片善多遺衆編摩則

狗並用廣收採則繁蕪未刈

峻筆削則請謁皆杜牒之積

訾譽於是編者多矣若能指

垢摘瑕正厥繆誤使不佞得

從輿人之議棄敝屣而珠玉

則千載之下觀是編者庶得

追薄責云爾舊志輯於宋咸

淳者潛公說友入

法武間則徐公一變咸化間

夏公時正皆已刊

中餘今景時所輯武

獻諸錄未及錄梓今所

夏則十四孫則十三云茲

也督撫涇陽李公

巡臺上黨鮑公淄

臺北海房公涉邑李公皆秉

憲右文樂成懿典其諸執事

皆列名後簡茲不更述

萬曆七年二月吉旦

賜進士雲南布政使司左布政

使致仕

正奉大夫正治卿前奉

督雲南廣西學政錢塘陳

序

咸淳臨安志序

潛說友知縣

恭惟聖宋受命奄旬萬方大明中天燭燭自息地
太平興國三年吳越以其地歸我職方氏是歲杭
始置守丞建炎陞府遂爲行在所搜古志杭舊屬
會稽禹於此舍航而陸故名恭聞光堯大駕初臨
登郡治中和嘗作爲歌詩慨懷夏后氏之烈聖心
曠數千百載而神交固有幾乎禹述之外其亦見
夫流風通俗得過化之所存而有感焉耳嘗試觀
之有車船橋樑之蹟故其人至于今忠以勤有苗
山封爵功德之會故其人至于今勤於爲善有

杭州府志

不書序

貝橘柚之貢故其人至于今知尊君而愛親錢氏
生長其間性習自然國三世四王而終不失其臣
節迨宋之興也深察夫人心歸德之天如川斯赴
莫之能止則一旦決然舍去其固有之業以委命
于朝忠懿誠忠矣抑杭之人何莫非忠懿天地之
間燥濕風雲萬物一氣杭獨爲天下先者以先王
聲教之所漸者遠知帝王正統所在焉故也自時
厥後我國家脉之如在甸服率還公卿大臣寵綬
之豈復以地大故要必有所其重者湛恩醴酒
後滋久益固結而不可解南渡艱難之際旄倪

攬左單右壺牛酒相屬於道頓首六斛之下如星
父母皆有殞無貳雖屢更大震撼而莫之變迄周
永我命于茲新邑迹是三百年間杭之有功於國
家也甚大而祖宗之有德於杭亦深矣開慶舉小
誤國召戎一時謀臣或倡異議幾搖根本賴先皇
帝蔽自上志獨倚今太傅辯章國公外頓八紘內
維九鼎宗廟社稷之靈恃以安寧卒之披攘蒙霧
再奠宇宙至今八街九陌歌鼓四時往往相與咨
歎不圖復見今日烏乎我理宗有德於杭也不又
大歎杭之福諸夏之福也肆皇上克篤前烈宅中

杭州府志

不書序

圖大不以愚臣爲不肖命殿是邦幸遇朝廷治平
年穀屢登浩穰之府化爲簡靜罔得以蓋其疵稅
暇日視故府閭郡乘或痛其漏且外乃葺而正之
增而益之九爲圖爲表爲志總百卷而冠以行在
所錄尊王室也既成上之天府以備攷數之萬一
焉禹貢稱冀州既載釋者謂以貢賦役事載之書
其於天子所自治之國謹里固如此九州何同
歸舊京聖子神孫尚克念我光堯懷禹之遺志云
成化杭州府志序

夏時正

古列國皆有史奏樂饗守而郡各有志國史

一國之事理志一郡之事史與志一也

有天文焉有地理焉物產賦貢焉民力官政焉

俗人文焉然而本之天者皆自然存乎人者當修

爲氣化有盛衰也人事有得失也君子不以氣化

而或忘人事之修而或至於失也故君子之於天

下也有養以厚其生有治以約其情有教以成其

性及其至也天道清地道寧六府興三事凝品物

亨而人道成人文宣明而化登以此書之百世其

程已乎不然百世之創也如是而志之不徒其志

也杭爲郡列壤千里序一郡之志而舉天下治化

杭州府誌

序

王十

卷六

之古蓋卽大可以槩小又以見大必由乎小之積

小之不修大之累也郡有舊志洪武中郡學教授

徐一夔所修永樂間有續志景泰間又續之而今

官府皆亡矣前年巡撫浙江都憲劉公敷欲修之

弗果去年巡按浙江監察御史建寧吳公文元姑

蘇夏公璣浙江布按二司方伯和陽翁公良昌聚

杜公謙大叅嘉魚李公田憲使馮池戴公珙憲副

豐城楊公瑄當塗端公宏咸謂當修而不可終不

果也以余老閑於家枉過見屬淺薄難堪辭再

一竟問其人乃以南京刑部郎中仁和項

事不用甘興泊錢唐劉英仁味陸理應

二月十七日開局于城北妙行寺志書臬上

宿潮是日審柱二公特枉駕勸審公躬爲發凡言

例授已而還十時項君以奉親不暇辭弗至無何

周君歸不再來而終其事者劉陸二子爾既而監

察御史湖湘方公昇八閩陳公紀咸巡按蒞杭前

後過臨方公其代吳公者也每爲論列示其指歸

夏公偕來又復無時存省而郡守淮陰陳侯讓下

車重詢茲事獎勸惟勤於是二子知奮不懈益虔

自朝日晏至夜之分殊批墨勤心口相誓是冬孟

杭州府誌

序

甲

卷七

丹書成總計六十三卷而目錄凡例纂圖別爲一

卷亦痺痺矣書呈審柱二公復加校定將刻之梓

屬敘於余辭不獲乃言曰序所以敘作者之意前

言已及之矣惟吾杭爲東南江海重瀋會區土地

之廣人民之衆物產之富貢賦之重山川清淑人

物英明宮室城池之壯商賈貨財之聚爲列郡雄

而我

列聖深仁厚澤洪規大範巍乎成功煥乎文章之沾

被吾民者奚啻所書然自洪武至今百有餘年

舊志永樂景泰之續得之民間脫謀殊

此書得諸故老彫殘傳聞彌寡而鐫君悉
惟方輿僅有得寔萬漏而一挂耳於戲惜哉雖然
自今不書則益遠益昧益無所書矣於是諸公之
所以拳拳不可終已者有足尚而此丘陵川澤其
後爲高爲下庶乎有所因也既而二子深以闕文
爲患以來諭余曰論語不曰吾猶及史之闕文也
闕文之不爲史病尚矣是爲序

又

寧良 浙江左
布政使

或有問於余曰古之地志若輿地圖纂宇志方輿
勝覽諸書何如余曰略略則不備惡乎志又曰山

杭州府志

序

五

志

海經夷堅志太平廣記諸書何如余曰怪怪則不
經惡乎志然則如之何余曰無如我 大明一統
志矣何以言之禹別九州故禹貢載貢賦爲詳周
有列國故周之職方爲盛然禹跡雖大未通遼粵
周國雖蕃未有巴蜀是其地志猶有限也我
太祖高皇帝代 天理物奄有四海遠夷重譯無不
朝貢天際地罔不臣服

列聖相承疆土日富戶口日增風俗日益淳以古宜

其志之自古及今莫有能踰者也或又曰一統

既已作矣然則杭州府志曷爲而復作乎人

統之志

天子之事也郡邑之志準今之事也

雖一郡而浙之藩臬實在焉是其資本在余惜余
以公事紛集未暇一爲因命郡中一二文學掾
舊志暨宋咸淳志并今所得傳聞成書方幸余同
年大理卿夏公致政閒居從客筆硯故得以余之
責累公也公弗靳爲之槩括矧公學博識高去取
允當復不自滿屬余校正一得之愚無庸少裨
乎杭之地志脩於潛詵友再脩於徐一變再脩於
永樂景泰間之 朝遣諸君子亦可謂備矣而必
欲再脩之者蓋詵友當咸淳之間宋室偏安多言
行在之事而條目不倫一變當洪武初天下始定
又以前元闕於脩志致多脫略永樂景泰間復雜
采於人不出一手噫杭之地志必於今而後可謂
大備矣夫 國家承平百年詩書禮樂衣冠文物
生產賦貢視昔有加况浙爲天下首藩杭爲浙
首郡於此而不之脩是誠一時之缺典也書既成
輒犯不聽用叙於後云

杭州府志

序

五

志

二氏名
徽修

巡撫浙江兵部右侍郎兼都察院右副都御史徐 拭
巡撫浙江都察院右副都御史李世達
巡撫浙江都察院右僉都御史吳善言
巡按浙江監察御史鮑希顏
巡按浙江監察御史王曉
巡按浙江等處監察御史房如式
巡按浙江等處監察御史李 棟
督修

杭州府誌

不修志氏名

王江

王江

提督學校浙江按察司僉事喬因阜

掌修

整飭溫處兵備浙江按察司副使甌州府知府吳白新

杭州府知府劉伯籍

協修

杭州府同知張紹芳

杭州府通判張聯奎

杭州府通判蔡人

杭州府通判王

杭州府通判林

杭州府推官胡耕

仁和縣知縣梁鵬

錢塘縣知縣姜召

海寧縣知縣蘇湖

海寧縣知縣潘元和

海寧縣知縣郝潔

富陽縣知縣喻效龍

餘杭縣知縣濮陽棐

臨安縣知縣李增

新城縣知縣溫朝祚

新城縣知縣張默

於潛縣知縣萬之翼

昌化縣知縣吳桐

纂修

雲南布政使司左布政使致仕郡人陳 善

考輯

南京國子監監生趙觀

錢塘縣儒學生員方可立

仁和縣儒學生員楊兆坊

杭州府儒學生員王迪吉

杭州府儒學生員米受

杭州府儒學生員陳福

杭州府儒學生員張璠

杭州府儒學生員鄭杞

錢塘縣儒學生員孫思巨

仁和縣儒學生員童文鼎

錢塘縣儒學生員沈思杞

杭州府儒學生員俞伯臣

餘杭縣儒學生員李春耕

杭州府志

萬曆杭州府志凡例

一郡事紀者紀一郡之事也吾杭自三代迄今數千百年中間災祥之著見政治之因革疆域之安危寇攘之興伏君子小人之進退散在各史者不可無紀故采摭其大者做朱子綱目編年義例備載於篇俾覽者一披閱之考覈勸懲具見槩畧

一舊志祇傳名宦而各秩官不爲作表似於考據尚有缺漏今考史漢義例作會治職官弁守令

二表以存歷朝任官之蹟

杭州府志

卷九

十一

表

一二表所列履任年次皆以各史傳舊志及諸案牘爲據間傳志案牘之所不載而於序記中考出者卽以所載之年表之

一師儒之官職卑而任重實人材風化所繫非諸雜職可擬故表與傳俱附守令之後蓋祖述

意綱意也

一山川昔所未載者固宜詳列然山不可盡圖圖其脉絡水不可盡圖圖其委源是用歷覽隨地肖形庶於紆直方員能盡其變

一志之難莫難于人物近時人物必其人已沒

論已定灼知其爲一鄉之望德可稱而大德未備及文章政業足可稱鄉評未盡協或其人雖歿而出身在三十年之內者俱列其行誼於小叙俟論定採錄其有風範可師百世景仰者業已立傳仍大書郡紀以樹表儀

一古今名宦載在簡冊功德表著者皆因其年代先後據事直書自餘雖名蹟已顯而論議未定及見存于世或已沒而出身在三十年內者俱列其治行於郡紀亦俟論定採錄其有人品卓

杭州府志

卷九

十一

表

異及體降宜民者業已立傳仍大書郡紀俾有官君子知所考鏡

一杭州繁藩省統會凡一切臨池上官俱得備書在一統志義例如此第舊志有統治寄治之目似巧爲區別今以其皆列署會城故以會治名之蓋如都司之統軍政以衛地方運司之董鹽

筭以裕財用固不得以寄治名之也舊志名宦於守令則自漢唐以來備加紀錄其

註司則僅起自趙宋夫以爲不當列則宋何載以爲當列則漢唐何獨遺又如宋之轉